



გენერალური დირექტორი

დამტკიცებულია:



მიხეილ ჰამბული

HR & H&S დირექტორი



ეკატერინე ვაშაკიძე

თარიღი:

25.03.2015.

სტუმრებისა და კონტრაქტორების უსაფრთხოება

სარჩევი

1. შესავალი.....	3
2. განმარტებები.....	3
3. სტუმრის უსაფრთხოება სამუშაო ობიექტზე.....	4
4. კონტრაქტორების უსაფრთხოება.....	5
5. კონტრაქტორის წინასწარი შეფასება	7
6. ხელშეკრულების გაფორმება	8
7. კონტრაქტორის დაშვება სამუშაო ობიექტზე	8
8. კონტრაქტორზე საშვის გაცემის პროცედურა.....	10
9. ჯანმრთელობის დაცვისა და შრომის უსაფრთხოების წარმომადგენელი	11
10. კონტროლი კონტრაქტორის საქმიანობაზე.....	11
11. კონტრაქტორის საბოლოო შეფასება.....	11
12. კონტრაქტორის სწავლება.....	12
13. რისკების შეფასება	13
14. დანართი A (წინასწარი შეფასება სამშენებლო, სარემონტო, სამონტაჟო და ა.შ.საქმიანობისას) 14	
15. დანართი B (საამფეთქებლო სამუშაოები).....	17
16. დანართი C (ა/სატრანსპორტო კომპანიის წინასწარი შეფასება)	19
17. დანართი D (კონტრაქტორი მძღოლის პირველადი შეფასება).....	21
18. დანართი E (კონტრაქტორის საბოლოო შეფასება).....	23
19. დანართი F (საშვის ავტორიზაციის ფორმა).....	25
20. დანართი G (კონტრაქტორის პერიოდული შემოწმების ფორმა)	26

1. შესავალი

წინამდებარე პროცედურა მიზნად ისახავს ჰაიდელბერგემენტის (შემდგომში კომპანია) საქართველოში რეგისტრირებული კომპანიების საკუთრებაში არსებულ ობიექტებზე სტუმრების, კონტრაქტორებისა და ქვეკონტრაქტორების მიმართ უსაფრთხოების ნორმებისა და წესების განსაზღვრას, რათა დაცულნი იყვნენ ისინი კომპანიის სამუშაო ობიექტზე ყოფნისას ინციდენტებისა და უბედური შემთხვევებისაგან.

პროცედურის მიზანია:

1. მოხდეს სტუმრების ინფორმირება ობიექტის უსაფრთხოების წესებისა და რისკ ფაქტორების შესახებ, რათა დაცული იყოს მათი ჯანმრთელობა ობიექტზე სტუმრობის პერიოდში;
2. მოხდეს კონტრაქტორების საქმიანობაზე კონტროლი პროცედურით გათვალისწინებული პირობებით, რათა თავიდან იქნას აცილებული ინციდენტები და უბედური შემთხვევები კონტრაქტორის ან ქვეკონტრაქტორის მიერ კომპანიის ტერიტორიაზე კონტრაქტით გათვალისწინებული სამუშაოს შესრულების პერიოდში.

წინამდებარე პროცედურის მოქმედების სფეროა კომპანიის საკუთრებაში არსებული ყველა სამუშაო ობიექტი.

2. განმარტებები

სტუმარი: პიროვნება, რომელის უშუალო სამუშაო ადგილი არ მდებარეობს კონკრეტულ ობიექტზე, არ წარმოადგენს კონტრაქტორს ან ქვეკონტრაქტორს, მაგრამ გარკვეული მიზნით შემოდის კომპანიის ტერიტორიაზე;

კონტრაქტორი: ნებისმიერი ფიზიკური ან იურიდიული პირი, რომელიც წინასწარ დადებული ხელშეკრულების საფუძველზე ახორციელებს გარკვეული სახის სამუშაოებს (შენობა ნაგებობების ნგრევა, შენება, რეკონსტრუქცია, და ა.შ.) კომპანიის საკუთრებაში ან მფლობელობაში არსებულ ტერიტორიაზე;

ქვეკონტრაქტორი: კონტრაქტორთან სახელშეკრულებო ურთიერთობაში მყოფი პირი, რომელიც ასრულებს სამუშაოს კომპანიის სასარგებლოდ, კონტრაქტორთან დადებული ხელშეკრულების ფარგლებში

H&S: ჯანმრთელობის დაცვა და შრომის უსაფრთხოება;

PPE: ინდივიდუალური დაცვის საშუალებები;

3. სტუმრის უსაფრთხოება სამუშაო ობიექტზე

კომპანიის სამუშაო ობიექტებზე დაუშვებელია არაავტორიზებული პირების შეშვება. შესაბამისი საინფორმაციო ნიშნები განთავსებული უნდა იყოს სამუშაო ობიექტის ყველა შესასვლელში. სტუმრების ობიექტზე დაშვების პროცესი კონტროლირებულია კომპანიის უსაფრთხოებისა და დაცვის სამსახურების მიერ.

პირი ან პირთა წრე, რომელიც ტერიტორიაზე შედის სტუმრის სტატუსით, სავალდებულოა ობიექტზე შესვლამდე ჩაუტარდეს უსაფრთხოების ინსტრუქტაჟი. უსაფრთხოების ინსტრუქტაჟის ჩატარებაზე პასუხისმგებელი არიან სამუშაო ობიექტის ჯანმრთელობის დაცვისა და შრომის უსაფრთხოების ინჟინერი, მისი არყოფნის შემთხვევაში კი ის ხელმძღვანელი პირი (ქარხნის მენეჯერი, საამქროს უფროსები) რომელსაც პასუხისმგებლობის სფეროშიდაც ხდება სტუმრის ვიზიტი ობიექტზე.

სტუმრის ინსტრუქტაჟი სამუშაო ობიექტზე უნდა ჩატარდეს ან პრეზენტაციის ან საინფორმაციო ბროშურების გაცნობისა და შესაბამისი გასაუბრების საფუძველზე. ინსტრუქტაჟის ჩატარება დაფიქსირებული უნდა ინსტრუქტორისა და სტუმრის ხელმოწერით შესაბამის ყურნალში.

სამუშაო ობიექტის შესასვლელებში განთავსებული უნდა იყოს ობიექტის ძირითადი უსაფრთხოების მოთხოვნების ამსახველი საინფორმაციო ნიშნები და ტექსტური ინფორმაცია. ინფორმაციის განახლება უნდა მოხდეს სამუშაო ობიექტზე არსებული უსაფრთხოების ნორმებისა და მდგომარეობის ცვლილების შესაბამისად.

სტუმრის ინსტრუქტაჟი უნდა მოიცავდეს არა ნაკლებ შემდეგ ინფორმაციას:

- ობიექტის ძირითადი უსაფრთხოების წესები, მოთხოვნები და რეგულაციები;
- ინფორმაცია ობიექტის საგზაო უსაფრთხოების შესახებ;
- ინფორმაცია სავალდებულო PPE-ს შესახებ;
- ინფორმაცია ავარიულ სიტუაციებში ქმედებების შესახებ;
- ინფორმაცია ავარიულ სიტუაციებში საკონტაქტო ინფორმაციის შესახებ.

დაუშვებელია სტუმარი მარტო გადაადგილდებოდეს სამუშაო ტერიტორიაზე. სტუმრის უნდა ახლდეს ის პირი ვისთანაც იმყოფება იგი.

P.S. სამუშაო ობიექტზე პასუხისმგებელი პირები (ქარხნის მენეჯერი მენეჯერი, საამქროს უფროსები, სუპერვაიზერები) ვალდებული არიან გააფრთხილოს შრომის უსაფრთხოების სამსახური ობიექტზე დაგეგმილი სტუმრის ვიზიტის შესახებ.

სტუმრების კატეგორიას განეკუთვნებიან:

- კომპანიის თანამშრომელი, რომლის მუდმივ სამუშაო ადგილს არ წარმოადგენს აღნიშნული სამუშაო ობიექტი;
- კლიენტები, რომლებიც შემოდიან ობიექტზე პროდუქციის წასაღებად, მაგრამ მანამდე კომპანიას არ ჰქონია მათთან სახელშეკრულებო ურთიერთობა.
- მომწოდებლები, რომლებიც შემოდიან სამუშაო ტერიტორიაზე სხვადასხვა სახის პროდუქციის მოწოდების მიზნით, მაგრამ მანამდე კომპანიას არ ქონია მათთან სახელშეკრულებო ურთიერთობა.
- პირები, რომლებიც შემოდიან სამუშაო ობიექტზე დასათვალიერებლად, სამუშაო პროცესის სანახავად და ა.შ.
- ყველა სხვა მესამე მხარე, რომელიც შემოდის სამუშაო ობიექტზე კომპანიის მენეჯმენტის თანხმობის საფუძველზე.

4. კონტრაქტორების უსაფრთხოება

სამუშაო ობიექტზე კონტრაქტორის უსაფრთხოებაზე მონიტორინგს ახორციელებს H&S და დაცვის სამსახური სამუშაო ობიექტის ხელმძღვანელობასთან ერთად.

ჯანმრთელობის დაცვისა და შრომის უსაფრთხოების სამსახურის ურთიერთობა კონტრაქტორის მიმართ შედგება შემდეგი საფეხურებისაგან:

- კონტრაქტორის წინასწარი შეფასება;
- კონტრაქტორის ინსტრუქტაჟი/ტრენინგი სამუშაო ობიექტზე
- კონტრაქტორის მონიტორინგი კონტრაქტით გათვალისწინებული სამუშაოს შესრულების პერიოდში;
- კონტრაქტორის საბოლოო შეფასება;
- კონტრაქტორის ყოველწლიური სწავლება და აკრედიტაცია;

კონტრაქტორი ვალდებულია სამუშაოს შესრულებისას დაიცვას კანონმდებლობითა და კომპანიის შიდა რეგულაციებით განსაზღვრული უსაფრთხოების ნორმები. ძირითადი და საკვანძო მოთხოვნები კონტრაქტორის მიმართ:

- კონტრაქტორი ვალდებულია უზრუნველყოს საკუთარი თანამშრომლების შესავალი ინსტრუქტაჟი სამუშაო ობიექტზე
- კონტრაქტორი ახორციელებს თანამშრომლების ყოველდღიურ ინსტრუქტაჟს და ახდენს ყოველივე ამის რეგისტრაციას შესაბამის ჟურნალში;
- კონტრაქტორის მიერ გამოყენებული ელექტრო და მექანიკური ხელსაწყოები არის გამართული ხდება მათი ყოველდღიური შემოწმება და რეგისტრაცია;
- ა/სატარანსპორტო მანქანების მძღოლებსა და მძიმე ტექნიკის ოპერატორებს გააჩნიათ შესაბამისი კატეგორიის მართვის მოწმობა და ლიცენზია;
- თანამშრომლებს გააჩნიათ შესაბამისი ცოდნა და გამოცდილება სამუშაოს შესასრულებლად;
- ინდ.დაცვის საშუალებების გამოყენება კომპანიის შიდა მოთხოვნების შესაბამისად;
- ავტო და სხვადასხვა სახის ტექნიკის გამართულობის უზრუნველყოფა;
- ობიექტზე არსებული უსაფრთხოების წესების დაცვა მათ შორის საგზაო უსაფრთხოების;
- სიმაღლეზე მუშაობის შიდა ნორმების დაცვა;
- ენერგო იზოლაციის შიდა ნორმების დაცვა;
- ელექტრო უსაფრთხოების ნორმების დაცვა;
- შედუღებისა და ცხელი ჭრის უსაფრთხოების ნორმების დაცვა;
- ამწე სამუშაოების უსაფრთხოების ნორმების დაცვა;
- დახურულ სივრცეში მუშაობის უსაფრთხოების შიდა ნორმების დაცვა;
- სახანძრო უსაფრთხოების ნორმებისა და წესების დაცვა;
- ინციდენტებისა და უბედური შემთხვევების ანგარიში კომპანიის შრომის უსაფრთხოების სამსახურთან;
- კომპანიის შრომის უსაფრთხოების სამსახურის ინფორმირება სამუშაო ადგილზე საფრთხის შემცველი გარემოებების შესახებ;
- სისუფთავის დაცვა სამუშაო ადგილზე;
- სამუშაოს დასრულების შემდგომ ტერიტორიის მოწესრიგება.
- კომპანიისათვის მიყენებული ზარალის ანაზღაურება თუ ის გამოწვეული იქნება კონტრაქტორის ან ქვეკონტრაქტორის ბრალეულობით.

ასევე უსაფრთხოების სხვა დანარჩენი წესებისა და რეგულაციების დაცვა რაც დაკავშირებული იქნება კონკრეტული სამუშაოს შესრულების სპეციფიკასთან.

5. კონტრაქტორის წინასწარი შეფასება

კონტრაქტორის წინასწარი შეფასება ხდება ხელშეკრულების გაფორმებამდე ჯანმრთელობის დაცვისა და შრომის უსაფრთხოების სამსახურის მიერ. დაუშვებელია ხელშეკრულების გაფორმება თუ არ არსებობს H&S სამსახურის მიერ შეფასება და შესაბამისი ავტორიზაცია.

კომპანიის შესყიდვების დეპარტამენტი ვალდებულია ტენდერის, სარემონტო სამონტაჟო ან ნებისმიერი სახის აქტივობის დაგეგმვამდე (ორგანიზაციის მოძიება, კონტრაქტის მომზადება და ა.შ) რაც ითვალისწინებს კონტრაქტორის შემოსვლას და საქმიანობას კომპანიის სამუშაო ობიექტზე, საქმის კურსში ჩააყენოს H&S სამსახური და მიაწოდოს მას ინფორმაცია შესასრულებელი სამუშაოსა და მუშა პერსონალის (რაოდენობა, სახელი, გვარი პოზიცია) შესახებ.

წინასწარი შეფასება ხდება შესაბამისი კითხვარის საფუძველზე, რომელიც ეგზავნება კონტრაქტორს შესყიდვების დეპარტამენტის მიერ, კონტრაქტის გაფორმებამდე.

შეფასებას ახორციელებს HR/H&S დირექტორი ან კოორდინატორი;

უარყოფითი შეფასების შემთხვევაში, თუ შემფასებელი თვლის, რომ კონტრაქტორი ვერ აკმაყოფილებს კომპანიის შიდა მოთხოვნებს ან მისი შემდგომი აქტივობა ობიექტზე წარმოადგენს საფრთხეს ადამიანთა ჯანმრთელობისათვის, HR/H&S დირექტორი ან კოორდინატორი:

1. გასცემს რეკომენდაციებს დამატებითი ღონისძიებების შესახებ, რაც უნდა გაატაროს კონტრაქტორმა. მას შემდეგ რაც კონტრაქტორი გაითვალისწინებს და შეასრულებს ყველა რეკომენდაციას და წარადგენს შესაბამის დამადასტურებელ მასალებს მოხდება მისი დამატებითი შეფასება;
2. გასცემს დასაბუთებულ რეკომენდაციას სამუშაო/მომსახურების განსახორციელებლად ობიექტზე დაშვებაზე უარის შესახებ.

კონტრაქტორის სამუშაო სპეციფიკიდან გამომდინარე კითხვარის ფორმები არის სხვა და სხვა სახის. H&S და შესყიდვების სამსახური ხელმძღვანელობს წინასწარ შედგენილი შეფასებების ფორმების მიხედვით.

- **დანართი A**-კონტრაქტორის წინასწარი შეფასების ფორმა სარემონტო, სამშენებლო, სამონტაჟო და ა.შ. სამუშაოებისათვის, აღნიშნული ფორმა ასევე გამოიყენება ახალი კონტრაქტორი ორგანიზაციის პირველადი შეფასებისათვის.

- დანართი B-კონტრაქტორის შეფასება აფეთებითი სამუშაოებისათვის,
- დანართი C-ა/სატრანსპორტო კომპანიის წინასწარი შეფასება,
- დანართი D-კონტრაქტორი მძღოლის წინასწარი შეფასება.

შენიშვნა: შეფასების ფორმები დანართის სახით არ წარმოადგენს უცვლელ სტანდარტს და ის შეიძლება შეიცვალოს კონტრაქტორის საქმიანობიდან ან სამუშაო სპეციფიკიდან გამომდინარე.

ჯანმრთელობის დაცვისა და შრომის უსაფრთხოების სამსახური უფლებამოსლია დამოუკიდებლად შეიმუშაოს ან შეცვლოს (დაამატოს ან ამოიღოს ცალკეული კითხვები) ფორმა სამუშაოს ხასიათიდან გამომდინარე.

6. ხელშეკრულების გაფორმება

კომპანიასა და კონტრაქტორს შორის დასადები ხელშეკრულება უნდა შეიცავდეს დათქმას კონტრაქტორის ვალდებულებასა და პასუხისმგებლობას ჯანმრთელობის დაცვასა და შრომის უსაფრთხოებაზე. აღნიშნული ვალდებულებებისა და პასუხისმგებლობების განსაზღვრა ხდება H&S დირექტორის ან კოორდინატორის მიერ სამუშაოს ან მომსახურების სპეციფიკიდან გამომდინარე. კონტრაქტში ასევე ასახული უნდა იყოს კონტრაქტის შეწყვეტის საფუძვლები და ასევე სანქციები უსაფრთხოების ნორმების დარღვევასთან დაკავშირებით.


სამუშაოს სპეციფიკიდან გამომდინარე (იმ შემთხვევაში თუ კონტრაქტორის საქმიანობა არის მაღალი რისკის შემცველი, რომლის შეფასებაც ხდება კომპანიის H&S სამსახურისა და კონტრაქტორი ორგანიზაციის პასუხისმგებელი პირის მიერ) შესაძლოა შემუშავებული იქნას უსაფრთხოების სამოქმედო გეგმა (ცალკე დოკუმენტის სახით), რომელიც უნდა იყოს ძირითადი კონტრაქტის დანართი. დამოუკიდებელი დოკუმენტის შექმნის თაობაზე გადაწყვეტილებას იღებს კომპანიის HR/H&S დირექტორი ან კოორდინატორი სამუშაოსათვის დამახასიათებელი რისკის დონის მიხედვით

7. კონტრაქტორის დაშვება სამუშაო ობიექტზე

კომპანიის სამუშაო ობიექტზე დაიშვება მხოლოდ შრომის უსაფრთხოების სამსახურის მიერ ავტორიზებული ორგანიზაციები და პირები რომლებზედაც გაცემული იქნება შესაბამისი დაშვების ბარათები

იმ შემთხვევაში თუ სამუშაოს შესრულებისას ხდება რომელიმე თანამშრომლის ჩანაცვლება ან დამატება, სავალდებულოა ახლად აყვანილმა პირმა გაიაროს ყველა ის საფეხური რაც გათვალისწინებულია წინამდებარე პროცედურის 7 პუნქტის მიხედვით.

კონტრაქტორი პირების ავტორიზაციისა და სამუშაო ობიექტზე დაშვების ყველა საფეხური ასახულია წინამდებარე ბლოკ სქემაში



კონტრაქტორის დაშვება და საშვის გაცემა ხდება კონტრაქტორის საქმიანობის სპეციფიკიდან გამომდინარე კერძოდ:

- მუდმივ კონტრაქტორებზე პასუხისმგებელი პირები: გაიცემა ერთ წლიანი საშვი შესაბამისი სწავლებისა და ტესტირების გავლის შემთხვევაში;
- იმ კონტრაქტორებზე პასუხისმგებელი პირები რომლებიც არ არიან მუდმივი კონტრაქტორები მაგრამ ხშირად ასრულებენ სხვადასხვა სახის სამუშაოებს კომპანიის სამუშაო ობიექტებზე, მათზე გაიცემა ერთ წლიანი საშვი შესაბამისი სწავლებისა და ტესტირების გავლის შემთხვევაში;
- მუდმივი კონტრაქტორის მუშა პერსონალი, რომელიც მუდმივად იმყოფება კომპანიის სამუშაო ობიექტზე კონტრაქტის ფარგლებში: გაიცემა ერთწლიანი საშვი სწავლებისა და ტესტირების გავლის შემთხვევაში;
- დროებითი კონტრაქტორის მუშა პერსონალი: იმ შემთხვევაში თუ შესასრულებელი სამუშაო არის ერთ დღეზე ნაკლები მოცულობის, ესეთ შემთხვევაში საშვი გაიცემა მხოლოდ ინსტრუქტაჟის შემთხვევაში;
- იმ შემთხვევაში თუ სამუშაო არის ერთ დღეზე მეტი მოცულობის ასეთ შემთხვევაში საშვი გაიცემა წინასწარ შედგენილი მოკლე სასწავლო კურსისა და ინსტრუქციის გავლის შემთხვევაში.

8. კონტრაქტორზე საშვის გაცემის პროცედურა

საშვის გაცემა მოხდება მხოლოდ და მხოლოდ იმ შემთხვევაში თუ კონტრაქტორის მიერ დაკმაყოფილებული იქნება მე-7 პუნქტით გათვალისწინებული მოთხოვნები.

შრომის უსაფრთხოების სწავლების, ტესტირების ან ინსტრუქტაჟის გავლის შემთხვევაში შრომის უსაფრთხოების ინჟინერის მიერ გაიცემა საშვზე ავტორიზაციის ფორმა (**დანართი E**), სადაც მითითებულია კონტრაქტორის სახელი გვარი, ორგანიზაციის დასახელება, მოქმედების ვადა და უსაფრთხოების ინჟინერის ხელმოწერა, დასტურად იმისა რომ კონტრაქტორმა გაიარა შესაბამისი სწავლება, ტესტირება ან ინსტრუქტაჟი. აღნიშნული საბუთი კონტრაქტორმა უნდა წარუდგინოს დაცვის სამსახურს რომელიც გასცემს შესაბამისი კონტრაქტორის საშვს.

9. ჯანმრთელობის დაცვისა და შრომის უსაფრთხოების წარმომადგენელი

კონტრაქტორი ვალდებულია კონტრაქტით გათვალისწინებული სამუშაოს პერიოდში დანიშნოს ჯანმრთელობის დაცვისა და შრომის უსაფრთხოების წარმომადგენელი, რომელიც პასუხისმგებელი იქნება შრომის უსაფრთხოების ნორმების, წესებისა და კომპანიის მოთხოვნების დაცვაზე და ასევე იქნება საკონტაქტო პირი კომპანიის უსაფრთხოების სამსახურისათვის.

იმ შემთხვევაში თუ კონტრაქტორს მიერ არ მოხდება უსაფრთხოებაზე პასუხისმგებელი პირის დანიშვნა, არ მოხდება კონტრაქტორის დაშვება ობიექტზე.

სავალდებულოა აღნიშნულმა პირმა გაიაროს შესაბამისი სწავლება და ტესტირება სამუშაო ობიექტზე.

10. კონტროლი კონტრაქტორის საქმიანობაზე

პირდაპირ კონტროლს კონტრაქტორის საქმიანობაზე ახორციელებს კომპანიის H&S სამსახური, კერძოდ უსაფრთხოების ინჟინრები და კოორდინატორი.

კონტრაქტორის გეგმიური/ოფიციალური შემოწმება ობიექტზე ხდება მინიმუმ კვირაში ორჯერ. შემოწმების შედეგად გამოიყენება შესაბამისი ფორმა, რომელიც ივსება უსაფრთხოების ინჟინერის ან კოორდინატორის მიერ (იხილეთ დანართი-F).

გარდა გეგმიური შემოწმებისა კონტრაქტორის საქმიანობის ინსპექტირება უნდა ხდებოდეს ყოველდღიურად.

იმ შემთხვევაში თუ შემოწმების შედეგად დაფიქსირდა დარღვევა, უსაფრთხოების ინჟინერი ან კოორდინატორი ვალდებულია შეაჩეროს სამუშაო პროცესი მანამ, სანამ დარღვევა არ იქნება გამოსწორებული.

11. კონტრაქტორის საბოლოო შეფასება

კონტრაქტით გათვალისწინებული სამუშაოს შესრულების შემდგომ სავალდებულოა კონტრაქტორის საბოლოო შეფასება. საბოლოო შეფასებას ახორციელებს ობიექტის უსაფრთხოების ინჟინერი ან შრომის უსაფრთხოების კოორდინატორი.

საბოლოო შეფასება ხორციელდება შესაბამისი ფორმის საფუძველზე (იხილეთ დანართი G)

შეფასება ხდება 10 პარამეტრის საფუძველზე. შეფასებისას გამოიყენება ქულები 1 დან 5.მდე. 1ქულა-ძალიან ცუდი 5-ი ქულა ძალიან კარგი. იმ შემთხვევაში თუ კონტრაქტორი საბოლოო შეფასებისას დააგროვებს 25ქულას ან ნაკლებს ეს განხილული იქნება როგორც უარყოფითი შედეგი და უსაფრთხოების სამსახური აღარ მისცემს ავტორიზაციას შემდგომში არსებულ კონტრაქტორს. 26 დან 35 ქ-მდე შედეგი არის საშუალო, ასეთ შემთხვევაში კონტრაქტორს მიეწოდება რეკომენდაციები შემდგომში მდგომარეობის გამოსწორების კუთხით ჩასატარებელი სამუშაოების შესახებ. 36ქულაზე ზემოთ შედეგი განიხილება დადებით შედეგად.

12. კონტრაქტორის სწავლება

არსებული მდგომარეობის გათვალისწინებით, რაც დაკავშირებულია ქვეყანაში უსაფრთხოების კუთხით სწავლებების არარსებობასთან დაკავშირებით, კომპანიის ჯანმრთელობის დაცვისა და შრომის უსაფრთხოების სამსახური ახორციელებს კონტრაქტორების სწავლებას შრომის უსაფრთხოების კუთხით სამუშაო ობიექტზე.

სწავლება ტარდება ორი მიმართულებით:

1. სწავლება/ტესტირება კონტრაქტორი ორგანიზაციის პასუხისმგებელი პირებისათვის
2. სწავლება/ტესტირება კონტრაქტორი ორგანიზაციის მუდმივი და დროებითი თანამშრომლებისათვის.

იმ შემთხვევაში თუ კონტრაქტორის მიერ მოხდება დროებითი თანამშრომლის ხელმეორედ აყვანა სამუშაოზე, რომელსაც გავლილი აქვს შიდა სწავლება და ტესტირება ბოლო ერთი წლის განმავლობაში, ასეთ შემთხვევაში სწავლებისა და ტესტირების ჩატარება აუცილებელი არ არის.

P.S. კონტრაქტორის მიერ გავლილი სწავლება და ტესტირება არ ანაცვლებს შესავალ და ყოველდღიურ ინსტრუქტაჟს სამუშაო ადგილზე.

სწავლების მიზანია, რომ კონტრაქტორი დეტალურად გაეცნოს კომპანიის შიდა მოთხოვნებს, უსაფრთხოების წესებსა და ნორმებს.

სასწავლო პროგრამას ადგენს უსაფრთხოების კოორდინატორი და მას ამტკიცებს HR/H&S დირექტორი და გენერალური დირექტორი.

სასწავლო პროგრამა უნდა მოიცავდეს მინიმუმ:

- ობიექტის უსაფრთხოების წესები;

- ინციდენტებისა და უბედური შემთხვევების პრევენცია;
- სახანძრო უსაფრთხოება;
- რისკების შეფასება;
- ავტო ტრანსპორტის უსაფრთხოება;
- სიმაღლეზე მუშაობა;
- ენერგო იზოლაცია;
- მოძრავი ნაწილების უსაფრთხოება;
- შედუღება და ცხელი ჭრა
- ამწე სამუშაოები
- დახურულ სივრცეში შესვლა

ტესტებს ადგენს უსაფრთხოების კოორდინატორი. ტესტი ჩაბარებულად ჩაითვლება იმ შემთხვევაში თუ კანდიდატი უპასუხებს კითხვების საერთო რაოდენობის 80%.

უსაფრთხოების კოორდინატორი ვალდებულია შეიმუშაოს მონაცემთა ბაზა კონტრაქტორი თანამშრომლების თაობაზე, (სახელი გვარი, ტესტირების შედეგი, ტესტირების ვადა შემდეგი ტესტირების ვადა) რომლებმაც წარმატებით გადალახეს ტესტირება.

13. რისკების შეფასება

კონტრაქტორი კომპანია ვალდებულია განახორციელოს სამუშაოს დაწყებამდე რისკების შეფასება და ანალიზი მის მიერ კომპანიის ტერიტორიაზე განხორციელებული სამუშაოების გათვალისწინებით (სამუშაოს დაწყებამდე) რისკების შეფასება უნდა ითვალისწინებდეს:

1. სამუშაოსათან დაკავშირებულ საფრთხეების განსაზღვრა;
2. რისკის დონის დადგენა
3. რისკის კონტროლის საშუალებების დადგენა

კონტრაქტორი ვალდებულია ასევე შეადგინოს საგანგებო სიტუაციის გეგმა მის მიერ განხორციელებულ სამუშაოსთან დაკავშირებით. საგანგებო სიტუაციის გეგმა შეთანხმებული უნდა იყოს H&S ინჟინერთან ან კოორდინატორთან.

P.S. მას შემდეგ რაც პასუხისმგებელი პირები გაივლიან სწავლებას, შემდგომი სამუშაოების ავტორიზაციისათვის სავალდებულო იქნება პროექტის რისკების შეფასების ჩატარება.

14. დანართი A (წინასწარი შეფასება სამშენებლო, სარემონტო, სამონტაჟო და ა.შ.საქმიანობისას)

კონტრაქტორი კომპანია/ორგანიზაციის დასახელება:	
სამუშაოს სავარაუდო დაწყების თარიღი:	
სამუშაოს ობიექტის ადგილმდებარეობა	
კონტრაქტორი კომპანიის თანამშრომელთა რაოდენობა სამუშაო პერიოდში	
მოგვაწოდეთ ინფორმაცია სამუშაო ობიექტზე დასაშვები მუშა პერსონალის შესახებ <i>(სახელი/გვარი)</i>	
ვინ არის პასუხისმგებელი კომპანიაში შრომის უსაფრთხოებაზე? <i>გთხოვთ წარმოადგინოთ პიროვნების სახელი/გვარი, თანამდებობა და საკონტაქტო ინფორმაცია ელ. ფოსტის ჩათვლით</i>	
ვინ იქნება პასუხისმგებელი შრომის უსაფრთხოებაზე ობიექტზე? <i>გთხოვთ წარმოადგინოთ პიროვნების სახელი/გვარი, თანამდებობა და საკონტაქტო ინფორმაცია ელ. ფოსტის ჩათვლით</i>	
გაქვთ თუ არა სამუშაოს რისკების შეფასება ჩატარებული. <i>არსებობის შემთხვევაში გთხოვთ წარმოადგინოთ ასლი.</i> კი <input type="checkbox"/> არა <input type="checkbox"/>	
აწარმოებთ თუ არა ინციდენტებისა და უბედური შემთხვევების აღრიცხვიანობასა და ანალიზს.	
მოგვაწოდეთ ინფორმაცია თქვენს ორგანიზაციაში ბოლო 5 წლის მანძილზე მომხდარი ინციდენტების ან უბედური	

შემთხვევების შესახებ.	
მოგვაწოდეთ ინფორმაცია ინციდენტებისა და უბედური შემთხვევების გამომწვევი მიზეზების შესახებ.	
მოგვაწოდეთ სია იმ ხელსაწყოების იარაღებისა და მოწყობილობების, რომელიც გამოყენებული იქნება პროექტის მიმდინარეობისას.	
გამოყენებული იქნება თუ არა ა/სატრანსპორტო საშუალებები და მძიმე ტექნიკა. არსებობის შემთხვევაში მოგვაწოდეთ ჩამონათვალი.	
მონიშნეთ აქტივობა, რომელიც განხორციელდება თქვენი კომპანიის მიერ სამუშაოს პერიოდში	
ცხელი ჭრა	ნგრევა
ცივი ჭრა	სიმაღლეზე მუშაობა
ამწე სამუშაოები	შშენებლობა
ხელით შრომა	შედულება
ძიმე ტექნიკა	მიწის თხრა
მაღალი ან დაბალი ტემპერატურის პირობებში მუშაობა	დახუულ სივრცეში მუშაობა
აფეთქებითი სამუშაოები	სხვა: დასუფთავება
გაქვთ თუ არა შესაბამისი სამუშაოების უსაფრთხოედ შესრულების ინსტრუქციები მონიშნულ სამუშაოებზე? არსებობის შემთხვევაში გთხოვთ წარმოადგინოთ ასლები	
აქვთ თუ არა თანამშრომლებს გავლილი შესაბამისი სწავლება/ტრენინგი მონიშნული სამუშაოების შესახებ. არსებობის შემთხვევაში გთხოვთ წარმოადგინოთ სერთიფიკატები	

ახორციელებთ თუ არა თანამშრომელთა ყოველდღიურ ინსტრუქტაჟს ობიექტზე და ხდება თუ არა ყოველივე ამის რეგისტრაცია?	
ახორციელებთ თუ არა ელექტრო და მექანიკური ხელსაწყოების ყოველდღიურ დათვალიერებას ობიექტზე და ხდება თუ არა ყოველივე ამის რეგისტრაცია?	
ახორციელებთ თუ არა ავტოტრანსპორტისა და მძიმე ტექნიკის ყოველდღიურ შემოწმებას და ხდება თუ არა ყოველივე ამის რეგისტრაცია.	
წარმოადგინეთ სია იმ ინდივიდუალური დაცვის საშუალებებისა, რომლებიც გამოყენებული იქნება თქვენი თანამშრომლების მიერ სამუშაო პერიოდში.	
ხდება თუ არა ინდივიდუალური დაცვის საშუალებების შემოწმება სამუშაოს დაწყებამდე?	

შრომის უსაფრთხოების სამსახურის ავტორიზაცია

თანხმობა

უარყოფა

შეფასებულია	სახელი გვარი	თანამდებობა	თარიღი	ხელმოწერა

15. დანართი B (სამფეთქებლო სამუშაოები)

კონტრაქტორი კომპანიის დასახელება	
სამუშაოს ხანგრძლივობა კონტრაქტის ფარგლებში	
<u>სამუშაოს დეტალური აღწერა</u>	
ვინ არის კომპანიაში პასუხისმგებელი ჯანმრთელობის დაცვასა და შრომის უსაფრთხოებაზე: <i>გთხოვთ წარმოადგინოთ პიროვნების სახელი გვარი და საკონტაქტო ინფორმაცია ელექტრონული მისამართის ჩათვლით (არსებობის შემთხვევაში)</i>	
ვინ იქნება ობიექტზე პასუხისმგებელი პირი შრომის უსაფრთხოების საკითხებში. <i>გთხოვთ წარმოადგინოთ პიროვნების სახელი გვარი და საკონტაქტო ინფორმაცია ელექტრონული მისამართის ჩათვლით (არსებობის შემთხვევაში)</i>	
რაოდენობა თანამშრომლებისა რომლებიც დასაქმებულნი იქნებიან კონტრაქტის ფარგლებში.	
გთხოვთ წარმოადგინოთ თანამშრომლების სია (სახელი გვარი პოზიცია)	
გავლილი აქვთ თუ არა შიდა ტრენინგი თანამშრომლებს. გაცემულია თუ არა დაშვების მოწმობები? <i>(გთხოვთ მოგვაწოდეთ დეტალური ინფორმაცია)</i>	
ვინ არის სამფეთქებლო სამუშაოების ხელმძღვანელი პირი. <i>გთხოვთ წარმოადგინოთ პიროვნების სახელი გვარი და საკონტაქტო ინფორმაცია ელექტრონული მისამართის ჩათვლით (არსებობის შემთხვევაში)</i>	
სამფეთქებლო სამუშაოების ხელმძღვანელ პირს გააჩნია თუ არა შესაბამისი ტექნიკური განათლება და გავლილი აქვს თუ არა შესაბამისი სწავლება. <i>გთხოვთ წარმოადგინოთ</i>	

დამადასტურებელი დოკუმენტაცია	
საამფეთქებლო სამუშაოების შემსრულებლებს გავლილი აქვთ თუ არა სწავლება და გააჩნიათ თუ არა შესაბამისი სერტიფიკატები. გთხოვთ წარმოადგინოთ დამადასტურებელი დოკუმენტაცია	
შედგენილი არის თუ არა საამფეთქებლო სამუშაოების ტექნიკური დოკუმენტაცია. არსებობის შემთხვევაში წარმოადგინეთ ასლი	
გთხოვთ წარმოადგინოთ ფეთქებადი მასალების ტრანსპორტირების სტანდარტული ინსტრუქცია	
არსებობის შემთხვევაში, გთხოვთ წარმოადგინოთ სამუშაო ადგილზე ფეთქებადი მასალების შენახვის სტანდარტული ინსტრუქცია	
გთხოვთ წარმოადგინოთ ფეთქებადი მასალების მიღება გაცემისა და დაბრუნების სარეგისტრაციო ჟურნალის ნიმუშში	
გთხოვთ წარმოადგინოთ განსახორციელებელი აფეთქების ხერხები და შესაბამისი უსაფრთხოების ინსტრუქციები.	
გთხოვთ წარმოადგინოთ სია მექანიკური და ელექტრო ხელსაწყოებისა რომლებიც გამოყენებული იქნება თქვენს მიერ სამუშაო პერიოდში	
გთხოვთ წარმოადგინოთ ინდივიდუალური დაცვის საშუალებების ჩამონათვალი რომელიც გამოყენებული იქნება სამუშაოს შესრულების პერიოდში.	

შრომის უსაფრთხოების სამსახურის ავტორიზაცია

თანხმობა

უარყოფა

შეფასებულია	სახელი გვარი	თანამდებობა	თარიღი	ხელმოწერა

16. დანართი C (ა/სატრანსპორტო კომპანიის წინასწარი შეფასება)

კონტრაქტორი ორგანიზაციის დასახელება:	
სამუშაოს (კონტრაქტის) ხანგრძლივობა	
სამუშაოს აღწერა:	
გთხოვთ წარმოადგინოთ სია მძღოლებისა რომლებიც დასაქმებულნი იქნებიან კონტრაქტის პირობებში	
გთხოვთ წარმოადგინოთ მძღოლების მართვის მოწმობის ნომრები	
გთხოვთ წარმოადგინოთ ა/სატრანსპორტო საშუალებების სია	
გთხოვთ წარმოადგინოთ ა/სატრანსპორტო საშუალებების ტექნიკური პასპორტის ნომრები	
აწარმოებთ თუ არა ორგანიზაციაში ა/სატრანსპორტო შემთხვევების, ინციდენტებისა ან უბედური შემთხვევების აღრიცხვას	
მოგვაწოდეთ ბოლო 5 წლის მანძილზე ორგანიზაციაში მომხდარი ინციდენტების ან უბედური შემთხვევების (მათ შორის ა/სატრანსპორტო შემთხვევების) შესახებ ინფორმაცია;	
მოგვაწოდეთ ინფორმაცია ინციდენტებისა და უბედური შემთხვევების (მათ შორის ა/სატრანსპორტო შემთხვევების) გამომწვევი	

<p>მიზეზების შესახებ.</p> <p>გაქვთ თუ არა ორგანიზაციაში მართვის უსაფრთხოების სტანდარტები და უსაფრთხოების ინსტრუქციები არსებობის შემთხვევაში გთხოვთ მოგვაწოდოთ ასლები.</p>	
<p>აღჭურვილნი არიან თუ არა ა/სატრანსპორტო საშუალებები GPS-ით ან შავი ყუთით. არსებობის შემთხვევაში ხდება თუ არა მონაცემთა კონტროლი და ანალიზი.</p>	
<p>აღჭურვილნი არიან თუ არა ა/სატრანსპორტო საშუალებები უსაფრთხოების ელემენტარული აღჭურვილობით: ცეცხლმაქრი, პირველადი სამდევინო დახმარების ყუთი, დაგორების საწინააღმდეგო ბლოკირება?</p>	
<p>ხდება თუ არა ა/სატრანსპორტო საშუალებების წინასამგზავრო დათვალიერება და ყოველივე ამის გაფორმება</p>	
<p>აწარმოებთ თუ არა ა/სატრანსპორტო საშუალებების გამართულობაზე კონტროლს ორგანიზაციაში არსებული რაიმე სახის პროგრამის საფუძველზე? გთხოვთ მოგვაწოდოთ ინფორმაცია</p>	
<p>გავლილი აქვთ თუ არა ა/სატრანსპორტო საშუალებებს ტექნიკური დათვალიერება? გთხოვთ მოგვაწოდოთ ინფორმაცია</p>	

შრომის უსაფრთხოების სამსახურის ავტორიზაცია

კი

არა

შეფასებულია:

სახელი/გვარი	თანამდებობა	თარიღი	ხელმოწერა

17. დანართი D (კონტრაქტორი მმლოლის პირველადი შეფასება)

კონტრაქტორი მმლოლის შეფასება	
სახელი/გვარი	
დაბადების თარიღი	
მართვის მოწმობის გაცემის თარიღი	
მართვის მოწმობის კატეგორია	
მართვის მოწმობის ნომერი	
სამუშაოს აღწერა	
სამუშაოს (კონტრაქტის) ხანგრძლივობა	
შემთხვევით თუ არა ავტო ავარია? არსებობის შემთხვევაში გთხოვთ მოგვაწოდოთ ასაგზაო შემთხვევების რაოდენობა	
რამდენი ასაგზაო შემთხვევა იყო გამოწვეული თქვენი მიზეზით?	
გამოიწვია თუ არა ზემოთ აღნიშნულმა რომელიმე ასაგზაო შემთხვევამ, რომელიც გამოწვეული იყო თქვენი მიზეზით მსხვერპლი?	
დაჯარიმებულხართ თუ არა ბოლო 5 წლის განმავლობაში სიჩქარის გადაჭარბებისათვის? არსებობის შემთხვევაში მოგვაწოდეთ ინფორმაცია	

დაჯარიმებულხართ თუ არა (ან თუ მომხდარა მართვის მოწმობის ჩამორთმევა) ბოლო 5 წლის განმავლობაში ნასვამობაზე? <i>არსებობის შემთხვევაში მოგვაწოდეთ დეტალური ინფორმაცია</i>	
ივსება მხოლოდ იმ შემთხვევაში თუ მძღოლი წარმოდგენილია საკუთარი ა/მანქანით	
ა/მანქანი მარკა	
ა/მანქანის ნომერი	
ა/მანქანის ტექ.პასპორტის ნომერი	
აღჭურვილია თუ არა ა/მანქანა GPS-ით ან შავი ყუთით?	
აწარმოებთ თუ არა ა/მანქანის ყოველდღიურ დათვალიერებას.	
აღჭურვილია თუ არა ა/მანქანა ცეცხლმაქრითა და პირველადი სამედიცინო დახმარების ყუთით.	
გავლილი აქვს თუ არა ა/მანქანას ტექნიკური დათვალიერება? <i>გთხოვთ მოგვაწოდოთ ინფორმაცია</i>	

შრომის უსაფრთხოების სამსახურის ავტორიზაცია

კი

არა

შეფასებულია:

სახელი/გვარი	თანამდებობა	თარიღი	ხელმოწერა

18. დანართი E (კონტრაქტორის საბოლოო შეფასება)

სამუშაო ობიექტი:

კონტრაქტორი კომპანიის დასახელება:

მუშა პერსონალის რაოდენობა

სამუშაოს დაწყება:

სამუშაოს დამთავრება:

კონტრაქტორის მიერ განხორციელებული საქმიანობის მოკლე აღწერა

კონტრაქტორის საბოლოო შეფასება

	დასახელება	კი	არა	N/A	ქულა
1	შესრულებული სამუშაოს აკმაყოფილებს უსაფრთხოების მოთხოვნებს				
2	პერსონალის კვალიფიკაციის დონე და გამოცდილება				
3	სამუშაო პერიოდში დაფიქსირებული დარღვევები				
4	გაცემულ რეკომენდაციებზე დროული რეაგირება				
5	ჯარიმები და დისციპლინარული სანქციები				
6	თანამშრომელთა ყოველდღიური ინსტრუქტაჟის წარმოება				
7	ელექტრო ხელსაწყოების ყოველდღიური დათვალიერების წარმოება				
8	მექანიკური ხელსაწყოების ყოველდღიური დათვალიერების წარმოება				
9	ინდ. დაცვის საშუალებების გამოყენება				
10	სამუშაო პერიოდში დაფიქსირებული ინციდენტი ან უბედური შემთხვევა				
11	სხვა: კომენტარი				

საბოლოო ქულა

შეფასების კრიტერიუმები 1დან 5მდე

1ძალიან ცუდი ცუდი- 5 ძალიან კარგი

0-25- უარყოფითი შეფასება

26-35- საშუალო შეფასება

36<- დადებითი შეფასება

საბოლოო შედეგი



უარყოფითი



საშუალო



დადებითი



დამატებითი რეკომენდაციები კონტრაქტორისათვის შემდგომი საქმიანი ურთიერთობისათვის:

შეფასებულია


სახელი/გვარი

თანამდებობა

თარიღი

ხელმოწერა

19. დანართი F (საშვის ავტორიზაციის ფორმა)

კონტრაქტორის დაშვების ავტორიზაცია Safety Pass Authorization For Contractor		HEIDELBERGCEMENT GEORGIA		
სახელი/გვარი Name/Surname	_____			
ორგანიზაცია Company	_____			
უსაფრთხოების ინსტრუქტაჟი Safety Induction	კი Yes	<input type="checkbox"/>	არა No	<input type="checkbox"/>
საშვი გაცემულია Safety Pass is Issued By	_____			
გაცემის თარიღი/Issue Date	_____			
ძალაშია/Valid till	_____			
				

20. დანართი G (კონტრაქტორის პერიოდული შემოწმების ფორმა)

კონტრაქტორი კომპანია:

ობიექტი:

საქმიანობა:

კონტრაქტორი კომპანიის უსაფრთხოებაზე პასუხისმგებელი პირი:

თანამშრომელთა რაოდენობა

შემოწმებულია (სახელი/გვარი თანამდებობა):

თარიღი:

№	დასახელება	კი	არა	N/A	კომენტარი
1	უსაფრთხოების ჩაფხუტის მოხმარება				
2	უსაფრთხოების ბათინკების მოხმარება				
3	თვალის დაცვის საშუალებების გამოყენება				
4	სახის დამხავი საშუალებების გამოყენება				
5	რესპირატორების გამოყენება				
6	ხელთათმანების გამოყენება				
7	ინსტრუქტაჟის ჟურნალი ადგილზე და ხდება მისი წარმოება				
8	მექანიკური ხელსაწყოები არის გამართულ მდგომარეობაში				
9	ელექტრო ხელსაწყოები არის გამართულ მდგომარეობაში არ აღენიშნებათ გარეგანი დაზიანება				
10	ხელსაწყოებისა და მოწყობილობების ყოველდღიური შემოწმების ჟურნალი არის ადგილზე და ხდება მისი წარმოება				
11	შედულების ან ცხელი ჭრის შემთხვევაში არ არსებობს აალების საშიშროება				
12	შედულების ან ცხელი ჭრის სიახლოვეს განთავსებულია ცეცხლმაქრი				
13	ჟანგბადის ბალონები განთავსებულია ვერტიკალურ მდგომარეობაში				
14	ნებართვა სიმაღლეზე მუშაობისათვის არის ადგილზე.				
15	სიმაღლეზე მუშაობის შემთხვევაში გამოიყენება დამცავი ქამრები				

№	დასახელება	კი	არა	N/A	კომენტარი
16	კიბეები არის გამართული და მოწესრიგებული. შეესაბამება შიდა რეგულაციას				
17	ხარაჩოები არის გამართული და მოწესრიგებული. შეესაბამება შიდა რეგულაციას				
18	ამწე მოწყობილობა არის გამართული და შეესაბამება შიდა რეგულაციას				
19	სიმაღლეზე მუშაობის კალათი არის გამართული და შეესაბამება შიდა რეგულაციას				
20	შენობების და ა.შ. ნაპირები არის დაცული ან გამოიყენება ვარდნის შემაკავებელი ქამრები				
21	ვარდნის ზონა არის განსაზღვრული და შემოფარგლული				
22	ენერჯია არის იზოლირებული				
23	ასატრანსპორტო საშუალება არის გამართული არ აღენიშნება ზეთის სითხეების და ა.შ გაჟინვები				
24	ყველა თანამშრომელზე გაცემულია დაშვების მოწმობები				

რეკომენდაციები
